山庫全幸

史部

欽定四庫全書宋史卷三百計

詳校官編修臣曹錫於

洗馬臣王坦修覆勘 校對官中書臣高 覆校官編修臣沈清藻

謄録舉人臣 萨炳文

中

にこりっことう 採史 臣 克托 舒亶 一廣淵弟臨

患也臣才不適用願得辭歸帝曰既來安得不少留異 於凍餒對曰法制不立庶民食侯食服侯服此今日大 敢不來非有所决擇去就也帝悦徐問之今何道免民 **伪著稱嘉祐中賜來帛為顏州教授除國子直講又以** 母聽秩辭明年始詣闕帝曰先朝累命何為不起對曰 為大理評事治平中投忠武軍節度推官知長葛縣皆 先帝虎臣之愚故得安閣巷今陛下嚴詔趣迫是以不 不受神宗即位三使往聘辭熙寧三年詔郡以禮敦遣

زا

百二十

宫判西京留司御史臺還顏十年卒年五十九贈右諫 讀命其子立校書崇文院九年病不能朝提舉中太 遘王安石皆稱薦之翕然名重一時初秩隠居既不肯 議大夫秩平居為學求自得王回里中名士也每見秩 供諫職復乞歸改判太常寺七年進實文閣侍制兼侍 City Toron 與語報飲然自以為不及歐陽修胡宿日公著王陶沈 子監俄兼直舍人院遷天章閣侍講同修起居注仍使 日不能用卿乃當去耳即拜右正言直集賢院管幹國 宋史

突秋長於春秋至下孫復所學為不近人情著講解數 任諫爭為待從低首抑氣無所建明聞望日損為時譏 我安四九人 其學立始命謂天平軍推官秩死使門人趙冲狀其行 十篇自謂聖人之道皆在於是及安石廢春秋遂盡諱 下循默敗端內萌莫覺莫悟秩知其必敗紹聖中蔡卞 云自秩與安石去位天下官吏陰變其法民受室炭 不便秩在問閥見所下令獨以為是一召遂起在朝廷 仕世以為必退者也後安石為相更法天下沸騰以為 卷三百二十九

ていころ車全村 **貶立乃點監永州酒税** 先帝帝亟下史院取視言其不遜以責惇下惇卞懼請 說書得召對又請以為諫官下方與章惇比曾布欲傾 係上時政數十事以為宋與百年習安玩治當事更化 方員外郎熙寧三年冬通判寧州時王安石得君專政 薦立為秘書省正字諸王府説書侍講請用為崇政殿 **鄧縮字文約成都雙流人舉進士為禮部第一稍遷搬** 之来問為哲宗言立附兩人因暴其行状事以為該毀 宋史

安石致齊復使知寧州結聞之不樂誦言惠召我來乃 之知天下皆然誠不世之良法願勿移於浮議而堅行 神宗驛召對方慶州有夏险館敷陳甚悉帝問安石及 歌舞聖澤以臣所見寧州觀之知一路皆然以一路觀 吕惠卿以不識對帝曰安石今之古人惠卿賢人也退 見安石欣然如素交宰相陳升之獨京以綰練邊事屬 又上書言陛下得伊吕之佐作青苗免役等法民莫不)其辭蓋娟王安石又貽以書頌極其伎諛安石薦於 = 三世ニナ

之尋同知諫院獻所著洪範建極錫福論帝曰洪範天 房鄉人在都者皆笑且罵館曰笑罵從汝好官領我為 官子曰正自當兩明日果除集賢校理檢正中書孔目 飲定四軍全書 使還邪或問君令當作何官曰不失為館職得無為諫 自然之大法朕方欲舉而指諸天下矯革眾敬柳 免役保甲之政皆出司農故安石籍館以威衆館 聖訓 朋 比德之人規以助朕縮頻首曰敢不力行所學 明年遷侍御史知雜事判司農寺時常平水 7 宋史 當

雜為中丞者帝特命之又加龍圖閣侍制建言項時御 務聚飲積寬餘宜加重點當獨在毫不散青苗錢館請 確唐坰為御史五年春雅御史中丞國朝故事未有臺 絡而轉運使李瑜率三十萬館言均役本以裕民令乃 布 付吏究治畿縣民訴助役詔詢其便否兩行之館與曾 先行免役於府界次及諸道利州路歲用錢九萬六千 吕公者謝景温所置推直官主簿悉罷去之而引祭 報上還堂帖中丞楊繪言未聞司農得繳奏者不

卷三百二二

たこの年くこう 平則彼不我疑而我得以遠慮苟先之以畏屈彼或将 次甄録使於進退間與凡僚稍異則人思竭盡矣進人 河北修城守之具館曰非徒無益且大擾費帝從其言 合人材亦不可遗願籍前後諫官御史得罪者姓名以 史罷免猶除省府職司蓋厥初選用既審則議論雖不 自罷其情偽可見今當禦之以堅强則不渝二國之平 止义言遼妄為地訟意在窺我去冬聚兵累月追 理邊地屯兵境上聲言将用師於是兩河戒嚴且令 宋史

事出知陳州又論三司使章惇協濟其姦出知湖州初 吕惠卿及安石復相綰欲彌前迹乃發惠卿置田華亭 惠卿弟和卿創手實法館曰凡民養生之具日用而家 力爭則大為中國之耻帝覽疏嘉之安石去位館順附 之而冬已散亡公家簿書何由拘録其勢安得不犯徒 用米栗絲麻布帛之類或春有之而夏以蕩析或秋貯 有之令欲盡令疏實則家有告計之憂人懷隱匿之慮 無所措手足矣商賈通殖貨財交易有無不過服食器 卷三百二十

金りし

賢院學士知河陽元豐中以待制知荆南陳陕徙永興 彭汝碼為御史安石不悦遠自劾失舉帝謂結操心頗 詔罷其法遷翰林學士仍為中丞館處安石去失勢乃 軍改青州奏言歲大稔斗栗五七錢帝知其传令提舉 僻賦性姦回論事薦人不循分守斥知號州踰戚為集 使器訟者超賞報怨以相告許畏怯者守死忍困而已 曰結為國司直而為辜臣乞恩澤極傷國體當點又薦 上言宜錄安石子及壻仍賜第京師帝以語安石安石 ての日ラー人にヨ 宋史

蔡卡抵誣宣仁后尤切史禍之作其力居多遷起居舍 書省正字校書郎國史院編修官撰神宗史議論專右 次升陳師錫言洵武久館在熙寧時以曲媚王安石神 洵武字子常第進士為汝陽簿紹聖中哲宗召對為秘 官酌市價以間進龍圖閣直學士知節州元祐初徒揚 人徽宗初改秘書少監既而用蔡京薦復史織御史陳 洵武洵仁大觀中為尚書右丞 州言者論其姦改滁州未去鄧而卒年五十九子洵仁 卷三百二十九

荒繆不足以污此選不聽選起居即時韓忠彦曾布為 神考之敏徳而不掩其父之惡乎且其人村凡近學問 用蔡京不可京出居外鎮帝未有意復用也淘武為帝 法是忠彦能繼父志陛下為不能也必欲繼志述事非 帝行新法以利民琦當論其非今忠彦為相更先帝之 言陛下方紹述先志羣臣無助者乃作愛莫助之圖以 相洵武因對言陛下乃先帝子令相忠彦乃琦之子先 宗數其邪僻姦回今置洵武太史豈能公心直筆發揚 てこコラスト 宋史

相 若趙挺之范致虚王能甫錢適之屬而巳右序舉朝輔 右曰元祐自宰相執政侍從臺諫郎官館閣學校各為 獻其圖如史記年表列旁行七重别為左右左曰元豐 一重左序助紹述者執政中唯温益一人餘不過三四 柳不同故去之布曰洵武既與臣所見異臣安敢 姓名布請之帝曰蔡京也洵武調非相此人不可以 明日改付温益益欣然奉行請籍異論者於是决意 公卿百執事成在以百數帝出示曾布而揭去左方 卷三百二十

謂宜造為新名因而制禄詔悉更之遭刑部尚書又請 とこのことに あし 之艥而以寄禄階易空名矣今在選七階自兩使判官 遷吏部侍郎洵武疏言神宗稽古建官既正省臺寺監 初出官人兼用刑法武俾知為吏之方崇寧三年拜尚 知大名府元城縣充濮州教授者殺亂紛錯莫甚於此 有河中司錄恭軍而監楚州鹽場者有瀛州軍事推官 至主簿尉有带知安州雲夢縣而為河東幹當公事者 相京進洵武中書舍人給事中兼侍講修撰哲宗實録 宋史

倣 少保封華國公恩典如宰相宣和元年薨年六十五贈 以戰陣勸以耕牧得勝兵幾萬人以鎮撫之遷特進 國史改保大軍節度使未幾知樞客院五谿蠻擾邊即 知亳州河南府召為中太一宫使連進觀文殿學士為 尚武連唇者坐出知隨州提舉明道官復端明殿學士 書右丞轉左丞中書侍郎妖人張懷素獄與其黨有與 重り 大名尹政和中夏祭入侍祠以右神觀使兼侍讀留修 陝西弓箭手列募邊民習知溪洞險易者置所司教 卷三百 二 十

U ŀ

11 111

ことのことにす 李常常問曰君從南方來民謂青苗法何如定曰民便 遠尉秀州判官熙寧二年孫覺薦之召至京師謁諫官 李定字資深揚州人少受學於王安石登進士第為定 蔡尤力京之敗亂天下禍源自洵武起馬 往白安石且曰定但知据實以言不知京師乃不許安 太傳諡曰文簡鄧氏自綰以來世濟其姦而洵武阿二 之無不喜者常曰舉朝方共爭是事君勿為此言定即 石大喜謂曰君且得見盍為上道之立薦對神宗問青 宋史

書皆罷去御史陳薦疏定頃為涇縣主簿聞庶母仇氏 定知諫院宰相言前無選人除諫官之比遂拜太子中 追行服安石力主之改為崇政殿説書御史林旦薛昌 為仇所生故疑不敢服而以侍養解官曾公亮謂定當 父年老求歸侍養不云持所生母服定自辯言實不知 死匿不為服詔下江東淮浙轉運使問状奏云定當以 允監察御史裹行知制誥宋敏求蘇頌字大臨封還制 苗事其對如曩言於是諸言新法不便者帝皆不聽命

金少正人

卷三百

ニナ

修撰 獄 逮 檢 次定四草全書 慢 制 朝言不宜以不孝之人居勸講之地併論安石章六 上安石又白罷兩人定亦不自安斬解毈以集賢校 勢不可回 赴臺獄窮治當會赦論不已竄之黃州方定自鞫 **誥為御史中丞劾蘇軾湖州謝上表擿其語以為** 正中書吏房直舍人院同判太常寺八年加集賢殿 因論軾自熙寧以來作為文章怨誘君父交通戚 知明州元豐初召拜寶文閣待制同知諫院進 -日 於崇政殿門外語同列 宋史 曰蘇軾

寧府言者爭暴其前過又謫居滁州元祐二年卒定於 或議廢明堂祀帝以訪定定曰三歲一郊或明堂祖宗 京召為户部侍郎哲宗立以龍圖閣學士知青州移 以來未之有改誰為此言願治其妄帝曰聽卿言足矣 鉤考從之彗出東方求直言太史謂有兵變帝命宦者 才也俱不敢對請復六案糾察之職并諸路監司皆 衛士飲食定言一飯不足市恩適起小人之心乃 翰林學士坐論府界養馬事失實罷知河陽留守 得

龙三百二十九

速直承命往捕遇諸陳搜俠篋得所錄名臣諫草有言 官院主簿使照河括田有績遣奉禮郎鄭俠既貶復被 宗族有恩分財振膽家無餘皆得任子先及凡息死之 王安石當國聞而異之御史張商英亦稱其材用為審 舒亶字信道明州慈谿人武禮部第 酒詈逐後母至雪前命斬之不服即自起斬之投劾去 日諸子皆布衣徒以附王安石縣得美官又陷蘇軾於 罪是以公論惡之而不孝之名遂著 調臨海尉民使

たこりころか

宋史

+

乎帝覺其言為過但貶軾就而光等罰金未幾同修起 劉擊皆暴能誦說先王之言而所懷如此可置而不 定劾蘇軾作為歌詩幾訕時事賣又言王詵革公為朋 辭語微及者軟株連考竟以多為功加集賢校理同李 初權監察御史裏行太學官受縣事聞宣奉詔驗治 安國諸人皆得罪權亶太子中允提舉两浙常平元豐 新法事及親朋書盡悉按姓名治之氣俠領南馬京王 如盛傷周が固不足論若司馬光張方平范鎮陳襄

金歩らんノニ

卷三百二十

,

監江陵稅始賣以商英薦得用及是反陷之進知雜御 發放歷為録目之籍亶以為大臣欺罔而尚書省取 奏鈔法當置籍録其數目今違法不録既案奏乃謾 史判司農寺超拜給事中權直學士院踰月為御史中 林受厨錢越法三省以闡命下大理初亶言尚書省凡 **丞舉劾多私氣焰熏灼見者侧目獨憚王安禮亶在翰 壻所為文亶具以白云商英為宰屬而干請言路坐责** 居注改知諫院張商英為中書檢正遺重手帖示以子

欠毛日奉之后

宋史

好 餘年始復通直郎崇寧初知南康軍辰溪蠻叛蔡京使 法而許妄若是安可置也命追兩扶勒停賣比歲起獄 旬 之 政復發其欺大理鞠廚錢事謂亶為誤法官吳處厚駭 金りし 中受事籍驗之亦無録目直遠雜他文書送省於是執 人判南以開邊功由直龍圖閣進待制明年卒贈直學 > 盗為贓情輕而法重詐為録目情重而法輕身為執 '御史楊畏言亶所党文籍具在無不承之理帝曰亶 以疑似排抵士大夫雖坐微罪廢斥然遠近稱快 卷三瓦二十 九 臺臣雜治無異辭神宗稱其能擢開封府推官出為淮 請以要辭示主者結服之時以為知體及治李進獄竟 掌實侍史它可累月不能决乃命周輔度不可追逮奏 善於訊鞫鉤索微隱皆用智得情當有詔獄事連掖庭 年未冠試大廷不第鎮郑既貴達周輔始特奏名再舉 進士知宜實石門二縣通判安肅軍為御史臺推直官

欠っている

宋史

郎 配潭衛諸郡湘中民愁因法既行遂領於度支以集賢 輔 元祐初言者暴其立江西福建鹽法掊克欺誕負公擾 諸將以討之思遂降元豐初循唐制歸百司獄于大理 南轉運副使盗廖恩聚黨園中多害兵吏改使福建該 修撰為河北都轉運使進寶文閣待制召為户部侍 始請運廣鹽數百萬石分鬻郴全道州又以淮鹽增 ·選為少卿遷三司度支副使先是湖南例食淮鹽周 開封府事多不决授中書舍人不拜改刑部侍

欠正屋

卷三百二十九

御史遷殿中侍御史右司諫哲宗立改司封員外郎 ここううべき 宗當命作荅髙麗書屢稱善為吏深文刻覈故老而獲 輔得罪以序辰成其惡降簽書廬州判官起知楚州提 近地乃易京西旋提舉江西常平繼父行鹽法為監察 戾子序辰 周輔方使閩上言父子並祗命遠方家無所託勤改 序辰字授之登第後數年以泗州推官主管江西常平 民罷知利州徙廬州卒年六十六周輔殭學善屬文神 十四

編 縚 **辰及徐鐸編類由是縉紳之禍無一得脱者還禮部尚** 年之問蓋已不可究質其章疏案牘散在有司若不彙 宫觀事考言實狀彰著然蹤跡深秘包藏禍心相去 罰以告中外惟變亂典刑改廢法度訓識宗廟睥睨 類人為一帙置之一府以示天下後世大戒遂命 而藏之歲久必致淪棄願悉討姦臣所言所行選官 江東刑獄紹聖中遷左司員外郎進起居郎中書舍 同修國史疏言朝廷前日正司馬光等姦惡明其罪 兩

金りしんべき

三百二十

宴及節日不張樂移水州會赦復官中奉大夫遂卒序 置入坐守蘇時以天寧節同其父忌日軟於前一日設 古有言其在先帝過密中以音樂自好者點知汝州 四月除龍圖閣待制知揚州徽宗立中書言序限類元 書與安惇看詳訴理事以奉使遼國無状點知黃州閱 てていることが 年徙蘇州坐縱部民盜鑄錢謫單州團練副使江州安 祐章牘傳致語言指為誘訊韶與惇並除名勒停放歸 田里蔡京為相復拜刑部禮部侍郎為翰林學士進承 宋史 † £

辰亦有文善傅會深文刻覈似其父云 金男 医正人名言言 卷三百二十

徐鐸字振文與化莆田人熙寧進士第一簽書鎮東軍

判官紹聖末以給事中直學士院蹇序辰建議編頻元

事中不肯書讀者報命代行之責院獲舉人挾書開 尹将之奇将以徒定罪鐸爭不可之奇為從輕比既 附着織悉不遺還禮部侍郎鐸雖云封駁而是時凡給 祐諸臣章牘事状詔鐸同主之凡一時施行文書據拾

省章惇怒罰府吏舉人竟坐刑鐸不復敢有言衆傳以

徽宗立以龍圖閣待制知青州御史中丞豐稷論鐸編 類事状率視章惇好惡為輕重存殁名臣橫罹窟斥序 次定四車全書 人 之主不可復科鐸言唐之獻祖中宗代宗與本朝之傳 **辰既放歸田里鐸之罪不在其下詔落艥知湖州崇寧** 為沒後議除御史中丞或嫉此事以為無所執持乃止 祖皆嘗桃而復今宜存宣祖於當桃復翼祖於已桃禮 中拜禮部尚書方議廟制鐸請增為九室議者疑已祧 無不稱從之進吏部尚書卒 宋史 +

骐 論 若能隱居以求其志者及王安石用事一召即至容容 為世所指名館及周輔二家父子並同惡相濟而序辰 歷年曾無 朝不撓不可得已常秩在嘉祐治平時三辭羔鴈之聘 致靖康之禍可勝嘆哉 王廣淵字才叔大名成安人慶歷中上曾祖明家集記 鐸編類事状流毒元祐名臣忠義之士為之一空馴 曰士學不為已而俯仰隨時如挈皇居井上求其立 嘉談而竊顯位至定之黨附重之凶他宜

哉今當治其罪而更賞之何以厲人臣之節帝不聽用 |結奔競世無與比當仁宗之世私自託於陛下豈忠臣 待之後周張美私以公錢給世宗故世宗薄之廣淵交 直集的院練官司馬光言漢衛館不從太子故故景帝 留不行英宗居藩即廣淵因見昵獻所為文及即位除 排中書文字裁定祖宗御書十卷神宗嘉之以知舒州 為雄牧三司户部判官從容謂回朕於洪範得高明 官其後廣淵推與弟廣廉而以進士為大理法直官編

次定四車全書

宋史

章奏曾公克王安石持不可乃止廣淵以方春農事興 卿為朕書之於欽明殿原以備觀省非特開元無逸圖 潛之義剛內以自强柔外以應物人君之體無出於是 而民苦之兼并之家得以来急要利乞留本道錢帛五 漏泄禁中語出知齊州改京東轉運使得於內省傳達 爺之曰朕疾少問矣廣淵宣言於衆神宗立言者劾 也加直龍圖閣帝有疾中外憂疑不能寢食帝自為詔 十萬貸之貧民歳可獲息二十五萬從之其事與青苗

火主 日車主書 率二千人斬關出廣淵遣部将姚兕材廣追擊降其衆 東雅賓文閣待制知慶州宣撫使與師入夏境檄慶會 問舉事如此安得人無向背故顥與常言不行徙使河 白意以困百姓會河北轉運使劉庠不散青苗錢奏適 撫其舊惡還故官程罰字常又論其抑配掊克迎朝廷 錢法合安石始以為可用召至京師御史中丞吕公著 兵方授甲卒長吳遠以衆亂廣淵亟召五營兵禦之達 至安石曰廣淵力主新法而遭劾劉库故壞新法而 宋史

豐初詔以其被遇先帝之故弟臨自皇城使擢為兵部 官吏不少置而不取乃用此革豈不誤朝廷事已下詔 史革至於濮宫書吏亦預選蓋其人與時君卿善一路 切责卿等宜贻書申戒之卒年六十贈右諫議大夫元 非其人帝謂執政曰廣淵奏辟将佐非贵游子弟即胥 圖閣直學士知渭州廣淵小有才而善附會所辟置類 兵間道邀襲盡戮之猶以盜發所部削兩秩二年進龍 柔遠三都戍卒欲應賊不果廣淵陽勞之使還戍潛遣

像果可與我朝廷善其議治平中詔求武畧用近臣薦 自屯田員外郎換崇儀使知順安軍改河北沿邊安 都監上備禦數十策大畧皆自治而已契丹刺缺兩 臨字大觀亦起進士簽書雄州判官嘉祐初契丹泛使 之義不可以不謹彼當求馴象可拒而不拒當求樂章 至朝論疑所應臨言契丹方饑困何能為然春秋許與 可與而不與兩失之矣令横使之來或謂其求聖像聖 郎中直昭文館子得君賜進士出身

マステンコトランチョ

宋史

特聽之仍俟服関除太子中允嘉祐初為監察御史裏 悔失計進安撫副使歷知涇鄜州廣信安肅軍召對 **陶以登朝在郊祀後恩不及親乞還所遷官丐追贈** 知廣 文階知齊州滄州荆南入為戸部副使以實文閣待 必為亂不如因而撫之詔從其請自是來者益多契丹 王陶字樂道京兆萬年人第進士至太常丞而丁父憂 人為義軍來歸者數萬或請遣還臨曰彼歸我而遣之 州府河中卒

金り

ı L

Ĺ

卷三百二十九

文之日東人子 并還唐介日海等英宗知宗正寺瑜年不就職陷上疏 復以右正言召陶言臣與四人同補郡人獨兩人召請 黄金益年壽以惡人主者後皆就戮請出之陳升之為 樞密副使論其不當升之去陶亦知衛州改蔡州明年 論罰中貴人導煉丹者入禁廷陶言漢唐方士名為化 省之嚴不應用外間會降為比於是流諸海島主者皆 行衛卒入延福宫為盜有司引疎决恩降其罪陶曰禁 曰自至和中聖躬違豫之後天下颙颙無所寄命交章 、宋史

言而疑之使遠近姦邪得以窺問伺隙可不惜哉因請 後浸潤船緩宜免憂疑流言或云事由媚御宦侍姑息 夫為是議者宣皆懷不忠孝為姦利附託之人哉發於 抗疏請早擇宗室親賢以建儲嗣危言切語動天感人 料謂陛下始者順天意民心命之今者聽左右姑息之 至誠念宗廟社稷無窮大計而已陛下順民欲而安人 心故親發德音銳為此舉中外搖搖之心一旦定矣厥 '語聖意因而惑馬婦人近幸非識遠圖臣恐海內民

卷三瓦二十

之失也不可随既不得逞遂以琦不押文德常朝班 為渭州帝曰遠先帝所用今無罪黜之是章先帝用人 福密宣撫陝西詔令還都陷言韓琦置達二府至用太 詹事神宗立遷樞密直學士拜御史中丞郭遠以簽書 對仁宗曰今當別與一名目既而韓琦决策遂立為皇 祖故事出師扨制人主琦必有姦言惡亂聖德願罷達 子英宗即位加直史館修起居注皇子位伴讀淮陽穎 王府翊善知制誥進龍圖閣學士知永興軍召為太子

次至四草主書

宋史

ニナニ

帝終薄其為人不復用元豐三年卒年六十一贈吏部 尚書諡曰文恪陶微時苦貧寓京師教小學其友姜愚 之琦閉門待罪帝徙陷為翰林學士旋出知陳州入權 劾之陶始受知於琦驟加與拔帝初臨御頗不悦執 氣豪樂施一日大雪念陶奉母寒餒荷一鋪刻雪行 之專陶料必易置大臣欲自規重位故視琦如仇力 州 三司使吕公著言其反覆不可近又以侍讀學士知蔡 歷河南府許汝陳三州以東宮舊臣加觀文殿學士

/ユー・・・・

E二十九

次足四年八三百 行出按明州留旅獄安石惡祖無擇子韶迎其意發無 太學久之乃得調王安石引入條例司權監察御史裏 王子部字聖美太原人中進士第以年未冠守選復游 病死聞者益薄陶之為人 陶既贵尹洛愚老而喪明自衛州新鄉往謁之意陶必 我質錢買酒肉新炭與附火飲食又捐數百千為之娶 念舊哀已陶對之邈然但出等酒而已愚大失望歸而 ·里訪之惟母子凍坐日髙無炊烟愚亞出解所衣錦 宋史 Ī

鑽指其交結要人子弟如刀鑽之利又陷祖無擇於深 官劉安世言熙寧初士大夫有十鑽之目子韶為衙內 後期改庫部元祐中歴吏部即中衛尉少卿選太常諫 為資善堂修定說文官官制行為禮部員外郎以入省 遷湖南轉運判官御史張商英劾其不葬父母貶知髙 郵縣由司農丞提舉兩浙常平入對神宗與論字學留 廢中丞吕公著等論新法一臺盡罷子韶出知上元縣

擇在杭州時事自京師逮對而以振獄付張載無擇遂

三百二十九

ノシンノモ

Ŀ

CHAMP TOTAL 烈以始後法復以太常少卿召進松書監拜集賢殿修 何正臣字君表臨江新淦人九歲舉童子賜出身復中 因被酒办傷子韶及其子又出知濟州建言乞追復先 言七寺正卿班少常上因彈擊而獲超遷是啓僥倖也 乃出知滄州入為秘書少監迎伴遼使御下背刻軍吏 文縉紳所共鄙薄豈宜污禮樂之地改衛尉卿安世復 詔贈顯謨閣待制 明州卒崇寧二年子相録元祐中所上疏豪聞于 宋史 丰

幸得備言路以激濁楊清為職不宜兼治它曹神宗善 論蘇軾得五品服領三班院會正御史專六察正臣言 為解王安禮曰法未善有司所當請宣得歸罪於法 罪誅之還除實文閣待制知審官東院尚書省建為吏 御史知雜事韓存寳討瀘夷無功命治其獄被以返撓 之為悉罷御史兼局而正臣解三班加直集賢院權侍 進士第元豐中用蔡確薦為御史裏行遂與李定舒亶 侍郎瑜年嫚於奉職銓擬多抵牾事聞以制法未善

金グに上

ノニー

卷三百二十九

繹曰持法者贵審允心知失刑惡得坐視由是多所平 陳繹字和叔開封人中進士第為館閣校勘集賢校理 民以為便後歷刑部侍郎知宣州卒 刊定前漢書居母喪詔即家讐校英宗臨政淵嘿繹獻 正臣條上其害謂無益於民亦不足以佐國用遂寢之 アンドレロンアントラ 五箴曰主斷明微廣度省變稽古同判刑部獄訟有情 相作者獻之或言刑曹唯知正是否不當有所輕重 知潭州時詔州縣聽民以家貲易鹽吏或推行失拘 宋史 一十四

釋遣吏示以成牘言者論其狗幸屬縱有罪出知除 繹特聽便宜處决久之還翰林仍領府治司農吏盗庫 伍之手傲然無慚色召知通進銀臺使帝語輔臣曰釋 講學士知郡 金どし 錢獄未竟中書檢正張諤判寺事懼失察以帖詰發 反帝稱其文學以為實錄檢訂官神宗立為陝西轉運 事不避權貴命權開封府時獄有小疑軟從中覆至 使入直舍人院修起居汪知制語拜翰林學士以侍 Ŀ 州繹不能肅閨門子與婦一夕俱殞於卒 卷三 百二 +

論曰王廣淵在仁宗時因近昵獻文於英宗潛邸固己 常為官物有剩利帝曰是以事佛麗重典美時釋已加 大夫以卒年六十八繹為政務推豪黨而行與夠違暮 龍圖閣待制知江寧府乃贬建昌軍奪其職後復大中 郊祀思復知制誥言者再論之得秘書監集賢院學士 てかし 日かっ人はち 有竊取功名之心蓋為臣之不忠者雖列侍從烏足道 年繆為敦朴之狀好事者目為熱熟顏回 元豐初知廣州庫有檀香佛像繹以木易之事覺有司 宋史 Ī

微事多所平反惜乎閨門不肅係耻並喪雖明晚吏事 論蘇軾皆小人之盗名陳繹布合用事固無足道然於 哉王陶始為韓琦所知在御史時順能譏切時政及為 亦何取馬 布衣之義又不足責矣王子韶之陷祖無擇何正臣之 金グロ 宋史卷三百二十九 巫則承望風古攻琦如仇讐欲自取重位其忘姜愚 上と言 卷三百二十

決定四車全書 欽定四庫全書 列傅第八十九 宋史卷三百三十 杜純絲 許遵 張景憲 任顓 元中書右丞相總裁托克托等修 盧士宗 杜常 齎卡 李参 宋史 錢象先 謝麟 張瓌 郭申錫 孫瑜 傅求 王宗望 韓璹

任糊字誠之青州壽光人舉進士得同學究出身至衛 王吉甫

顓曰壊五爲一以 尉丞上其文乃賜第擢鹽鐵判官陝西鑄康定大銅錢

一當十恐犯者衆卒如其言夏人納

賜詔許置榷場其議多顓所發出爲京西轉運使奏計 **款遣使要請十一事甚者欲去臣稱男嗣押伴一切曉** 以義辭折而去又再遣使來欲自買賣且通青鹽增歲

京師元昊爲下所殺遣楊守素來告東守素乃始爲元

次三四三人一 為治戎精要三篇上之進直史館遷河東轉運使帝嘗 伴顓問守素其主所以死不能對記去不敢肆改知鳳 人與俱凡事必與議未當以胥吏自隨人安其政入爲 以禁帑金帛賜河北亦欲與河東顓辭曰受委制財 諒祚冊禮使采摭西夏風物山川道里出入攻取之要 翔府帝語輔臣嗣宜備朝廷委任留判三司憑由司爲 吴謀不稱臣納賜節者也仁宗記當屈其使者復使押 而先有求不敢顓爲使者每行部必擇僚佐之賢者 用

渭獨無所上朝廷疑斥候不容嗣力言無他虞帝使覘 郎卒年七十八 之信乃還學士徒徐州以太子賓客致仕積官戶部侍 州坐在潭日賤市死商珠降為待制時四路以邊警開 鹽鐵副使擢天章閣待制儂賊犯嶺外以知潭州宣撫 執按之具服爲賊內應蒐其家得所記潭事甚悉泉首 司以宣毅卒有功機補軍校顓察其色動曰必有異志 狥 詔書褒激賜白金五百两進龍圖閣直學士知渭

クニングして

11.7

ている シーニ 定州都部署夏守恩貪濫不法轉運使使然按之得其 李參字清臣鄆州須城人以於知鹽山縣歲饑諭富室 冬代竹度其費以給餘募商人與為市遂除其害歷知 事守恩謫死知荆門軍荆門歳以夏伐竹并稅簿輸荆 出栗平其直予民不能雅者給以糟籺所活數萬通判 與元府淮南京西陝西轉運使部多戊兵苦食求然審 南造舟積日久多蠹惡不可用牙校破産不償責祭請 訂其關今民自隱度麥粟之贏先貸以錢俟穀熟還之 7

金点正片人在書 為主計外臺將承風刻剥天下天下之民困矣乃改羣 官號青苗錢經數年康有羡糧熙寧青苗法盖萌於此 諫議大夫爲河北都轉運使與安撫使郭申錫相視決 牧使詔王安石王陶置局經度國計然言官各有職臣 河議不協又與真定日溱相惡二人皆得罪然移使 矣朝廷患邊費益廣愈建議輦錢邊郡以平估雜權罷 入中法比其去省權貨錢千萬計召爲鹽鐵副使以右 知荆南嘉祐七年召爲三司使祭知政事孫抃曰祭 卷三百三十 河

愁 憂以疾解邊任判西京御史臺起知曹濮二州神宗 使 賢院學士知瀛州賜黄金百两即臣有賜自恭始再遷 知其才書姓名於殿柱以知永與軍不行卒年七十 五 無學術然剛果嚴深喜發摘姦伏不假貨事至即 問故對曰將在邊期於無事而已不敢妄以寇貽主 密直學士知春州蕃酋樂家族作亂討平之得良田 百頃以募方箭手居鎮閱藏未當以邊事聞英宗遣 7 四

若不任事當從廢點不然乞罷此局從之治平初加集

金岸匹广生三 雖簿書織悉不遺時稱能吏 卷三百三十

吾得賊矣非汝乎執而訊之果然久之知博州州兵出 晉陵尉民訴弟為人所殺申錫察其色懼而哭不哀曰 郭申錫字延之魏人自言唐代公元振之後第進士爲 人點二人乃定奏至仁

疏論事大臣不便鞠獄慶州京東盗執濮州通判井淵 宗曰小官臨事如此豈易得即爲御史臺推直官數上 戍有欲脅眾為亂者中錫戮一 決定四車主,百 堂稱其欺誣以做在位 鐵副使相視決河坐訟李恭失實點知濠州帝明榜朝 卿 未達時好指陳時事及被進用則不然是資言以進耳 皆奏劾之屢抵權倖無所避帝謂之曰近世士大夫方 進天章閣侍制 **婢余靖引胡恢有醜行高若訥引范祥啓邊繁申錫** 勿爲也誤稱契丹遣泛使命體量安撫河北還爲鹽 1 矢口 鄧 宋史 旋 州 加直史館知江寧府再副鹽 河中种諤取綏州中錫曰邊 五

雜

事張貴妃追冊起園陵張竟佐為使相陳執中嬖妾

名府府守吕夷簡委以事夷簡入相薦其才推知宿 汴堤旁有高埠夷之得土載以回舟省工費殆半徒大 朝廷遣中使護築絕淮取土道遠度用兵六十萬求相 傅求字命之考城人進士甲科通判泗州淮水温毀城 致仕卒年七十七 將守邊不要功生事則善矣著邊都守禦策以給事中 患將自此始及諒祚死請捐前故聽其子襲爵且言曰 二虜賴歲幣甚厚渝平豈其所利必有以致之但得重

卷三百三十

スこりういいう 雅民受其恵而兵食亦足召為戸部副使隴右蕃酋繭 提點江西益州刑獄爲梓州路轉運使夷僚寇合江鈴 用兵移税輸邊民力大困求令輸本州而轉錢以供邊 求請變法時州縣巳散二百八十萬緡亟下令更爲當 僚故恐而叛即黥吏置領南夷人聞之散去益州文彦 轄司會兵掩擊求馳往按所以狀乃縣吏冒取播州 三民出不意蕩產失業多自經死然盗鑄遂止自康定 上其狀進秩從陝西關中行當十鐵錢盗鑄不可計 7 **秋**史 田

役且已得而棄非所以強國威乃認諭卷衆及其田 原既出師境上求謂恩非素攜貳者乘以兵必起邊患 之定邊培蕃官蘇恩以小過疑懼而遁將佐議致討 章閣待制陝西都轉運使加龍圖閣直學士知慶州環 夏 張昇以祥貪利生事請棄之詔求住視求以爲城已記 田諸惹斯之相率叛夏人欲得渭地又移文來索後即 **氊獻古渭州地秦州范祥納之請繕城屯兵又括熟戶** 以渭非其有不應索正其封疆而還兵遂解進天 卷三百三十 報

金十八四月八三十六

欽定四庫全書 陽令鄭昉贓累巨萬親戚多要人景憲首案治流之 初 張景憲字正國河南人以父師徳任淮南轉運副使山 決反坐告者又斷獄數差失御史言其不勝任出 復以龍圖閣學士權開封求本有吏能幹局至是春秋 但遣禪將從十數卒扣其帳開以禍福思感泣還砦如 州卒年七十 浸髙且病瞶三司大將錢吉密殺妹爲膦所告求不能 判太常寺權發遣開封府遷樞密直學士知定州 宋史 知究

道 點卷多詐緩急或爲内應宜亟止之陝西轉運司議欲 城嚴飭邊將爲守計令邊郡召生羗與之金帛官爵恐 至延安又言罪兀邈然孙城鑿井無水將何以守臣在 受詔即言城不可守固不待到而後知也未幾撫寧陷 爲戶部副使韓絲築撫寧羅兀两城帝命景憲往視始 短長求請賄謝如所欲景憲上其惡編置宿州熙寧初 外貪吏望風引去徙京西東轉運使王逵居鄆專持吏)所見師勞民困之狀非一 願罷徒勞之役廢無用之

欽定四車全書 景憲言本道地肥硯相雜州縣貧富亦異正宜有無相 方討西南蠻景憲入辭因言小醜跳梁殆邊吏擾之耳 通欠今方小稔而官督使併價道路流言其禍乃甚於 通分之不便議遂寝改知瀛州上言比歲多不登民債 集賢殿修撰爲河東都轉運使議者欲分河東爲两路 凶歲願以寬假帝從之仍下其事元豊初年知河陽時 限半歲令民惡納錢於官而易以交子景憲言此法可 行於蜀耳若施之陝西民將無以爲命其後卒不行加 ·宋 ·史

實下字彦法曹州冤句人進士第二通判汝州秦悼王 白世以此稱之 吏治尚寬獨多深刺及熙寧以來吏治城急景憲反濟 以大中大夫卒年七十七景憲在仁宗朝為部使者時 困矣帝曰柳言是也然朝廷有不得已者明年徒同州 及執政之門自負所守於人少許可母卒一 以寬方新法之行不劾一人居官不畏強禦非公事不 且其巢冗險阻若動兵遠征萬 **飽餉不繼則我師坐** 一夕縣與吳畫

葬汝宗室來汝者眾得兵三千郡守林潍以汝與其鄉 奏曰真宗行此制自掖廷始命不正以法無以示天下 且非祖宗立法意英宗曰然文王刑于寡妻至于兄弟 官方禁銷金為衣皇城卒捕得之屬下治以中禁為言 悉配徙亂者加集賢校理知太常院知絳州開封府推 呼爾母恐忽少定乃密推首惡羈之請於朝詔鄉致仕 近因使輦新芻鐵石致其家衆怨憤謀殺維會日暮門 閉不果遂挾大校叛卞故關招諭之曰汝曹特醉酒狂

火三四車三百

宋史

至下下令敢言者斬一日復報大水且至吏請閉門下 ノシ らんて 不可既而果妄時發六州卒築武殭陳卒惰主者笞之 吾寧以一身活數萬人尋以請詔許之外間訛言水大 滹沱水及郡城地大震流民自思與來踵相接下發常 以常法命斬之以聞有詔嘉毀還為戶部判官同修起 不服卞曰廂兵犯將校法不至重然與役聚工不可拘 平栗食之吏白擅發且獲罪下日俟請而得報民死矣 以御于家邦正謂是也從其請出知深州熙寧初河決 71 77 卷三百三十

學士院賜弟除松閣校理同知太常禮院諡銭惟演曰 スミョ良とこう 張瓌字唐公泊之孫也舉進士以婦父王欽若姓召試 文墨其子撾登聞鼓上訴仁宗使問狀壞條奏甚切朝 殿直王永年者相接頗厚及在京師永年求監金曜 居注進天章閣待制判昭文館将作監始下官汝時與 其私下坐奪職提舉靈仙觀卒年四十五 至出其妻侑飲且時致薄餉永年以事繋獄死御史發 庫卡爲棲提舉楊繪繪為之永年置酒于家延繪下 7 宋史

一金リノセドルノニーモ 廷不能奪乃賜諡曰思温成廟祠享如神御請殺其禮 判吏部南曹爲開封府推官知洪州營校督役并急其 徒三百人將以夜殺之求不獲持重課于門請易校瓌 召問諭遣明日推治點十人不爲易校積閱當遷十 知類州揚州即拜淮南轉運使三司下諸道責美財淮 不會課文房博為言特遷之徙两浙轉運使加直史館 南獨上金九錢三司使怒移文譙切瓌以賦數民貧對 '修起居注知制語草故相劉沈贈官制頗言其附會 卷三百三十 年

次定四事人二日 至屢點終不悔卒年七十 府河南河陽請為太平州壞平生薦士後雖不如所樂 劉瑾又訟其判銓日調其子不應法復出濠州歷應天 未當以令自首故再坐削階當官遇事朝言觸忤勢要 在先朝乞蚤定儲副者進左諫議大夫翰林侍讀學士 黄州然瑾亦竟不敢請父諡還判流內銓英宗時論第 宋史 +

取顯位流子瑾即子弟婦女哀經詣闕哭訴壞挾私怨

聽武其人執政以張贈乃思典壞不當為貶詞出知

且

孫與子邪與大儒也久以道輔朕因面賜金紫先是郡 加 書至館伴要入賀啖以厚餉瑜辭以奉使有指不肯賀 為崇文檢討同知禮院開封府判官使契丹適西討提 孫瑜字叔禮博平人以父任為將作監主簿賈昌朝薦 民大喜有言其變新器非便下遷知曹州尋有言瑜所 量法均 倉庾以斗斛大小為姦瑜奏均其制點吏之亡狀者 秘閣校理两浙轉運使入辭仁宗訪其家世謂曰卿 誠便者乃還其元資徒知蔡州毀吳元濟

巷三

百三十

とこりをとこ 雖上之化亦下之氣習使然也當時仕於朝廷出守方 論曰宋至神宗承平百餘年風行政成士皆守官稱職 過或教使自言曰已知之而復濟之吾不為也 **敏齊家以嚴稱善與人交一受知終身不易所薦士有** 衝城得弗壞更相究潍單四州累官工部侍郎卒年七 像以其祠事裴度大水緣城隊入瑜使囊沙數千扞其 曰吾忍因父喪而官吾子乎以兄之孤上之瑜天資整 九始真之亡朝廷録其子孫時瑜之子為諸孫長瑜

患益與水利紙田甚博邑人便利立石紀之為審刑 父喪而得官此其行尤昭昭者歟 官知長與縣水灾民多流徙遵募民出米振濟竟以無 身 乃心邊事中錫除凶黨詆權倖求點點吏禁盗鑄卞以 岳持節一 自觸至瑜是已觸能折夏人屈元昊使者參擊貪除害 遵字仲塗泗州人第進士又中明法擢大理寺詳 活人壞不貢養財景憲因母死而髮白孫瑜不恐以 一道專對四方者各有其人其政蹟且多可紀 斷

金字 正於人至

三百三

欠とりことこう 論 加訊掠乃吐實遵按云納采之日母服未除應以凡人 初云許嫁未行嫌壻陋伺其寢田舎懷刀斫之十餘 轨 詳議官知宿州登州遵累典刑獄强敏明恕及為登 不能殺斷其一指吏求盗弗得疑云所為執而詰之欲 贖論未幾果判大理耻用議法坐劾復言刑部定議 按問審刑大理當紋刑非是事下刑部以遵為妄詔 謝于朝有司當為謀殺已傷遵駁言云被問即於應 政許以判大理遵欲立奇以自當會婦人阿云獄起 宋史 創

史錢 或 非 其說熙寧間出知壽州再判大理寺請知 問在右獄之生死在問之先後而非盜之情天下益厭 政悉罪異己者遂從遵議雖累問不承者亦得為按 王安石議光以為不可安石主遵御史中丞滕甫侍 而 直云合免所因之罪令棄較不用但引斷例 殺之塞其自守之路殆非罪疑惟輕之義詔司馬光 两人同為盗劫吏先問左則按問在左先問右則 說皆言遵所争戾法意自是廷論紛然安石既 潤州 又 請 切 轨 御 問 按 按

卷三百三

當驗問不宜逮鞠於是但點中錫為州進龍圖閣直學 とこり 良 錫有決河訟詔士宗劾之士宗言两人皆為時用有罪 舉崇福宫尋致仕界官中散大夫卒年八十 宗御延和殿詔講官悉升殿聽其講易明日復命講泰 敕刑定官提點江西刑獄侍講楊安國以經桁薦之仁 盧士宗字公彦潍州昌樂人舉五經歷審刑院詳議編 三品服加直龍圖閣天章閣待制判流內銓李然郭 又召經庭官及僕射賈昌朝聽之授天章閣侍講賜 1.... 宋史 9

廟萬世不毀其餘昭穆親盡即毀示有終也自漢以來 世極太上廟主於國魏明帝遷處士主於園邑晉武恵 世其以上之主屬錐尊於太祖親盡則遷故漢元帝 天子受命之初太祖尚在三昭三穆之次祀四世或六 制與禮官考議孫抃等欲如之士宗以為在禮太祖之 士知審刑院通進銀臺司仁宗神主祈廟禮院請以太 祖太宗為一世而增一室以備天子事七世之禮詔 廟遷征西務州府君大抵過六世則遷其主盖太祖 两

金いし

卷三百三

巴正東向之位則并三昭三穆為七世矣唐高祖初祀 其罕通吏事且東病改沂州熙寧初以禮部侍郎致仕 展一室詔持等再議卒從八室之説議者咎之出知青 不經今大行祔廟係祖親盡當遷於典禮為合不當添 廟又遷宣宗皆前世成法惟明皇之廟祀八世於事為 四世太宗增祀六世太宗祔廟則遷洪農府君高宗祔 再對及見論知人安民之要勸帝守祖宗法御史言 . -辭英宗曰學士忠純之操朕所素知豈當久處外 7 7.6 Ē.

金定四户全下 學士出知蔡州象先長於經術侍通英十餘年有所 錢象先字資元蘇州人進士髙第日夷簡薦為國子監 老欲慰之獨賜紫章服進侍制知審刑院加龍圖閣直 直講歷權大理少卿度支判官河北江東轉運使召兼 卒年七十一士宗以儒者長刑名之學而主於仁恕故 問必依經以對反復諷諭遂及當世之務帝禮遇甚渥 在刑部審刑前後十數年 天章閣侍講詳定一 路救成當進勲爵仁宗以象先母 **基三百三十** 顄

餘事其持心平恕類此復知許顏陳三州以吏部侍郎 捕苟皆許捕則姦人將倚法以害善良因削去許捕 移敕文入令者甚衆又議告捕法以為罪有可去有可 為刑官條令多所裁定當以為犯敕者重犯令者輕請 南府陳州復無侍講知審刑院象先旁通法家說故屢 行有日矣宜講徹一編於是同列罷進者浹日徙知河 故事講讀官分日送進象先已得蔡帝猶諭之曰大夫 17. 去 百

時不為耳熙寧初為梓州路轉運使朝廷命諸道議 漁并之弊提點利州路河北刑獄以開封府判官迎 韓璹字君玉衛州汲人登進士第知定州安喜縣為政 役法璹首建併綱減役之制剛以數計者百二十有 丹使使問南朝不聞打圍何也毒曰我后仁及昆蟲 彊 具徭役利害上之詔司馬光陳洙詳定條式遂革大 恤諸道分遣使者璹曰京師諸夏本顧獨不蒙惠乎乃 力能使吏不賄守韓琦稱其才為開封司録嘉祐寛 非 更

金定 巴口人生言

卷三百三十

璹賜帛二百入為鹽鐵副使以右諫議大夫知澶州坐 背公邀譽莫之或恤而獨能體上意宜加賞乃下褒詔 吏事絕人閱按贖終身不忘澶州民懷思之他日郡守 諸州衙簿於是王安石言璹所言皆久為公私病監司 衙前以人計者二百八十有三省役人五百又請裁定 或欲有所為民必曰此已經韓大中矣以故輒止 大中大夫判將作監轉正議大夫致仕卒年七十七璹 失舉降太常少卿河決畫夜扞禦神宗念其勞復改官 ストレコラーノ山上 宋史

與論事為于朝充審刑詳議官或議復內刑先以別代 寧初以河西令上書言政王安石異之引責條例司 者私與為市價十不償一惟知州關詠與純無私買人 為泉州司法然軍泉有蕃舶之饒雜貨山積時官於州 亦莫知後事敗獄治多相牽繋獨兩人無與詠猶以 海上其孤弱枢不能還純白父請往如期而喪至以陰 杜純字孝錫濮州甄城人少有成人之操伯父没官南 察免且檄恭對純憤懣陳書使者為訟冤詠得不坐熙 Ľ 卷 三百 三 十 數 不

實重也事遂寢秦即郭達與其屬王韶成訟純受詔推 聚萬姓易以宿奸於計當然非擾人也比來或徒隸飲 言朝廷非不惡告計而有覘事者以擿扶隱微盖京師 鞘得韶罪安石主韶變其獄免純官韓絳為相以檢詳 常不畏而况於則乎人知不死犯者益衆是為名輕而 望或民相怨仇或意冒告賞但泛云某有罪某知狀官 三司會計安石再來乃請監池州酒久之為大理正上 **死刑之輕者純言今盗抵死歳不減五十以死懼民民** 永史

ランス・リロコロース・リー

攀有 羡數云官潤之寺欲械訊河東純曰竒情止爾若 土石請姑沒其羡而釋其人曹州民王坦避水患以車 傳致其罪恐自是民無復敢貨攀則數百萬之儲旨為 汲奏為立異又廢于家元祐元年范純仁韓維王存孫 載貨入京征商者以為匿税將議黥坦純復争之卿楊 而坐為欺者以誣告當無不竟矣隰州商尹奇貿温泉 不識所逮之囚囚不省見逮之故若許有司先計其實 永交薦之除河北轉運判官初更役書司馬光稱其論 卷三百三十 次定四車全書- -~ 議詳盡予之書口足下在彼朝廷無河北憂純因建言 舉崇福宫改修撰卒年六十四弟紘 急用財之官則寧過計而無不及不如使之歸一 不由科第改右司郎中尋知相州徙徐州陝西轉運使 其言召為刑部員外郎大理少卿擢侍御史言者抵其 河防舊隸轉運今乃領屬都水外丞計其決溢之變前 日不加多今日不加少然出財之司則常憂費而緩不)拜鴻臚光禄卿權兵部侍郎謝病以集賢院學士提 宋史 1 一後

女幼許嫁未行而養於壻氏壻氏殺以誣人吏當如昬 官檢詳樞密刑房修武經要略以職事對帝翊日語宰 無徙者明年稔償不愆素神宗聞其材用為大理評 官給印券使稱貸於大家約歲豊為督價於是咸得食 日令不能使汝必無行若留能使汝無饑皆喜聽命 紘字君章起進士為永年令歲荒民將他往召諭父老 然曰禮婦三月而廟見未廟見而死則歸葬于家示 嘉其論奏明白未果用紅每議獄必傳經誼民間有

Ē

欠い可重くいう 之至館使欲入見有所陳紘止之荅語頗不遜紘曰 蒙以縣且不跪受詔紘責之曰天王吊禮甚厚今不可 夏人方修貢入其國禮猶仍送者至衣毛裘設下人坐 妄讞者不從擢刑部郎中元祐初為夏國母孫奠使時 輒以疑讞夫殺人而有疑讞是縱民為殺之道也請治 未成婦則一也議乃定又論天下囚應死吏懦不行法 未成婦也律定昼而夫犯論同凡人養婦雖非禮律然 加禮夏人畏懼加敬他日夏使至請歸復侵疆松逆 Ŧ 國

旬日處決立盡又以刑部召未至還之軍當有揭幟城 隅者妖言其上期為變州民皆震俄而草場白晝火盖 殿修撰為江淮發運使知鄆州獄繋囚三百人絃至之 直秘問知齊鄧二州復為大理卿權刑部侍郎加集賢 在是冀因吾膠擾而發柰何隨其術中彼無能為也居 可否乎隨語連扯之乃不敢言遷右司郎中大理卿 事也民又益恐或請大索城中絃笑曰奸計

主設有請必具表中此大事也朝廷肯以使人口語

為

卷三

百三十

性云 次三四年人三与 杜常字正甫衛州人昭憲皇后族孫也折節學問無戚 之隨竟死為治喪第中或以為憊不自恤其風義蓋天 **哀動行路悉以奉錢給寡嫂推其子恩官其子若孫** 我成立今亡不得臨死不順矣適詣關迎其極於都 卒年六十二絃事兄純禮甚備在鄆州聞計泣口兄教 人官京師時里人馬隨調選病即逆旅然載與歸醫視 無何獲盜乃奸民為妖如所揣遂按誅之徙知應天府 宋史 Ē

積遷河東轉運判官提點河北刑獄歷兵部左司 親護役徙處埽上埽潰水溢及常坐而止於是役人盡 鄆 額為之傷中進士第調河陽司法祭軍事富弼禮重之 里氣習當跨驢讀書聽皆草失道不之覺觸桑木而賄 河陽軍苦旱及境而雨大河決直州西上埽勢危甚常 太常少卿太僕太府卿戶工刑吏部侍郎出知梓 徐州成德軍崇寧中至工部尚書以龍圖閣學士 河流遂退郡賴以安卒年七十九 /: 一: 卷三百三十 州青 郎中

大三口屋 こう 僚降其種落四千八 其財一 仇 麟疊石障之自是人得安堵號謝公隄通判辰州章惇 |關既歸 **搖賊犯辰溪麟且捕且招一方以寧詔使經制宜** 湖 二萬褒賜甚渥加果州刺史知荆南涇邠二州 麟字應之建州甌寧人登第調會目令民被酒夜與 湘 訊得實再調石首令縣若江水為患是不可 **拓沅州薦麟為守由太常博士改西上閣** 而所親殺之因誣仇麟知死者無子所親 百人納思廣洞民干四百室得 宋史 テー Ρij 州 鎧 副

寧 望聞變自襲疾驅至先命 初 王宗望字確曳光州固始人以陰累權夔州路轉運 怒白晝入府宅傷守臣左右篤散他兵籍籍謀兆亂 使哲宗即位 平之戌兵從北來不能水土麟部土人使極南而 止屯近 復 鳳翔府渭桂二州 都賴以全者甚农卒于官 朝議大夫直秘閣 行赦賞軍萬州彌旬不給危卒朱明因 融江有夷警將吏議致討麟 給賞然後斬明以狗且竄視 知潭州加直龍圖閣歷徒 此 兵 計 江

金牙匹尼

百三十

帅 使 てこうう 皇奏已有成績遂增秩三等加直 里索絡錢百萬記從之右正言張商英論其謎謾而宗 争十年水官無所適從宗望謂回河有創立金限七十 私利代吳安持為都水使者自大河有東北流之異紛 守傷而不救者乃自妨朝廷嘉之歷倉部郎中司農 握工部侍郎以集賢殿修撰知鄆州卒年七十九元 開支氏渠引水入運河歲久不決宗望始成之為公 江淮發運使楚州沿淮至連州風濤險舟多湖議者 21.1.1 宋史 龍圖閣河北 主 都 輔 少

銀定正居生言 符中治其導河東流事以為附會元祐追所得恩典云 官燭引至第執政欲坐以自盗吉甫謂不可執政怒移 為大理評事累遷丞正刑部員外郎大理少卿舒宜以 王吉甫字那憲同州人舉明經練習法律試斷刑入等 馯 起帰城役卒急於軍事董役者責之曰此殆類白露屋 卒訴之吏當非所宜言論死古甫謂非咒剖不應死 他所言南亦就辨賣乃用飲食論罪不以燭也南 <u>.</u> 6

遂求對神宗怒曰得非為白露屋事來邪吉甫從容敷

竟却之歷提點梓州路京畿刑獄開封少尹知同那 陳不少問帝為霽怒其人得釋蘇軾南遷所過郡守有 ら八旦日言人之首 誅守者十餘人亦争之皆得不死其持論寬平大抵類 延館之者走馬使正聞韶鞫之吉甫議當哲宰相章惇 欲増折配以取美餘吉甫謂其僚曰民力竭矣一増之 此請知齊州梓州梓在東川為壯藩戸口最盛轉運使 不悦吉甫曰法如是難以増加成罪卒從笞太倉火議 後不可復減吾寧貽使者怒思為國斂怨為民基禍哉 宋史 一十四

義謁然常坐護危掃麟定徭獠宗望弭萬州之變皆靖 象先皆執經勸講其為刑官論法平恕宜哉璹吏事絕 其官遵恵政及民而緩登州婦獄君子謂之失刑士宗 論日宋取士兼習律令故儒者以經術潤飾吏事學能 三州以中大夫卒年七十吉南老於為吏庶介不回 至難之事於談笑間吉甫一於用法而應介不回有足 於用法士恨其少緣飾云 民懷其德純以微官能著清節絃議獄必傳經誼 巻三百三十 但

クシラモ

						 	
CA FT DE TO TO THE							稱云
Ē				}		Ì	云
9							-
3		i					į
1.5			1			Ì	1
5							1
					1		1
rb.							
宋史							
,							
Ī							
į							

金け、田たなった 宋史卷三百三十 卷三百三十

日夏卿	蘇案	馬仲甫	孫長卿	列傳第九十	元中書	宋史卷三百三十	欽定四庫全書
祖無擇	馬從先	王居卿	周沆	-	右丞相總	三十一	
程師孟	沈遘弟	孫構	李中師		裁托克托等修		-
張問陳舜		張詵	羅拯		等修		

官 郞 孫長卿字次公揚州人以外祖朱巽任為秘書省校書 懼法母敢輕去長卿爲酌新舊均深之吏罪得免 知楚州粮料院郡倉積米五十萬陳腐不可食主吏 天禧中異守雅命隨所取浮圖像入見仁宗方權 下事嘉其年少敏占對欲留侍東宫辭以母疾詔 河南府秋大雨軍營壞或言某衆将叛洛中誰然 張 京劉蒙附 頡 虚革子東 苗時中 卷三百三十 韓贄 楚建中 聽 遷 通

發運使歲漕米至八百萬或疑其多長哪曰吾非欲 次だ四事全書 曰然則汝殺弟也鞫之服郡人神明之提點益州路 無有栗此動吾軍者邪推首惡一人誅之留宿其所衆 鄉察所言無理問其資曰上等也家幾人曰惟此弟)定詔汰三陵奉先卒汰者羣謙府下長鄉矯制使還 歷開封鹽鐵判官江東淮南河北轉運使江浙荆淮 見諭之曰天雨敗屋廬未能葺汝華豈有欲叛意得 具言不可汰之故朝廷為止知和州民訴人殺弟長 宋史

出都内錢公私以爲便令之所行不足助邊雜什 召長 復絕 数百萬卒以不可成罷之時又將弛茶禁而收其 耗矣乃條所不便十五事不從改陕西都轉運使 趣高郵長鄉言地阻山回繞役大難就事下都 贏以備機歲兩議者謂楚水多風波請開盱眙 知慶州州據險高患無水蓋嘗疏引 鄉該長鄉日本祖宗推茶蓋將備二邊之耀且 長哪整百井皆及泉泥陽有羅川馬衛上構危 卷三百三十 澗谷汲城中 河 踰 自 國 征 調

周沆字子真青州益都人第進士知渤海縣歲滿縣 六長鄉無文學而長於政事為能臣性潔庸不以 定州熙寧元年河北地大震城郭倉庾皆情長哪盡力 取諸人定州當得園利八十萬悉歸之公既沒詔中使 こフューニョ 補神宗知其能轉兵部侍郎留再任明年卒年六十 其喪歸葬 加集賢院學士河東都轉運使拜龍圖閣直學士知 下臨不測之淵遇者惴恐長哪訪得唐故道關為通 宋史 毫

卒三十人習知山川技藝者徑擣其巢布餘兵絡山 氣毒人驍悍善用艇盾北軍不能确請選邕宜融三州 流言蠻驟勝方騎未易關力宜須秋冬進兵且其地險 蠻 唐盤二族寇暴殺居民官軍數 不利以流為轉運 皆降加直史館知潭州他道兵來戍者率两期乃 官流使江西求葬親改知沂州歷開封府推官湖南 留既報可而以親老求監州稅通判鳳翔初置轉 一獵取之俟其勢窮力屈乃可順撫朝廷用其第二 ロルとうき 卷三百三十 足 運

ここりを とこち 北李仲昌建六塔河之議以為費省而功倍韶流行視 者同科奏申其期擢天章閣待制陝西都轉運使改河 用常法滿半歲則聽人草佃流曰是豈與凶年說征役 塗炭當布宣天子德澤遂往遍行郡邑民避寇奪業吏 外地惡非賊所至處毋庸行對曰君命仁也然遠民雅 為度支副使儂智高亂定仁宗命安撫廣西諭之曰嶺 盗鑄鐵錢法不能禁流高估錢價鑄者以無利自息入 多死瘴癘沆請以期為斷戍人便之徙河東轉運使民 宋史

金に人にたける 萬今幾用功一萬薪獨三百萬均一河也而功力不相 司 濱棣之民其魚矣既而從初議河塞復決如流言又徙 流言近計塞商胡本度五百八十萬工用新獨千六百 欲 河東轉運使遷龍圖閣直學士知慶州召知通進銀臺 河廣不能五之一安能容受此役若成河必汎溢齊博 判太常寺英宗既即位契丹賀乾元節使至流館客 如是蓋仲昌先為小計以求與役爾况所規新渠視 取書柩前使者以非典故不可流折之曰昔貴國有

卷三百

家以户部侍郎致仕卒年六十九 學士知成德軍俗方葉親事佛流閱按斥數千人還其 喪吾使至柳河即及今聽於几進達命恩禮厚矣尚何 李中師字君錫開封人舉進士陳執中薦為集賢校理 云使者立授書朝廷未知契丹主年流東問雜他語以 一秋解不受乃捏度支判官為淮南轉運使两浙饑 點開封府界境多盗中師立賞格督吏分捕盡得之 得其實使者悔之曰今復應兄弟南朝矣進樞密直

欠中日華に

宋史

五

與 嚴整齊之號為治辨然用法刻深煩碎無大體唯 使 東振贍係屬議勿與中師曰朝廷視民淮浙等爾 免 南前此多大臣居守委事掾幕吏習弛緩中師 之徒河東入為度支副使拜天章閣待制陝西都轉 人初神宗嘗對宰相稱其治狀富獨曰陛下何從 人知澶州 (役錢與富民等又希司農指多取餘視他處為重 默然中師衛弼沮已及再至弼已老乃籍其戸 河南府召權三司使龍圖閣直學士復為 厚結

ービス セ

卷三百三十

拯請勿征海運竹木經一 江西轉運判官提點福建刑獄泉州興化軍水壞盧 每江派報犯城郭拯作東西二隄除其患選知秀州為 拯字道濟祥符人第進士歷官知禁州州介两江間 坐夫事誅死 命權發遣開封府卒年六十一有女嫁陳執中子世 北監牧省國費而養馬於民不報後竟行其說民不 人怨之朝廷以中師率先推行召為羣牧使乞廢 年民居皆復其舊遷轉運 舍

アにコラアかか

宋史

計 岸下俟雜入乃得行蓋官吏以淮南不受陳粟為逃譴 邑人以為便改江淮發運副使江淮故無積倉漕船擊 欲 令使與謹俱來至是拯以間神宗許之遂遣金悌 商黃謹往高麗館之禮賓省其王云自天聖後職貢絕 **貢高麗復通中國自兹始加天章閣待制居職七年** 邵武之光澤不權酒以課賦民號黃麴錢拯均之他 ラアゼ 極始請凡米至而不可上供者以原軍又貯浙西米 潤倉以時運自是漕增而費省轉為使拯使閩時泉 下人!!! 卷三百三十一

馬仲甫字子山廬江人太子少保亮之子也舉進士知 論服其長者 拯曰同僚不協所見異也諫官所言職也又何怨乎時 史劾其貸官錢拯力為辨理錢公輔為諫官當論拯短 登封縣轘轅道險危遂傭民鑿平為坦塗人便其行為 知永與軍青類泰三州卒年六十五拯性和奈不與人 CALLED TO LANCE TO THE PARTY OF 而公輔烟黨多在拯部内往往薦進之或譏以德報怨 校曲直為發運使時與副皮公弼不協公弼徙他道御 宋史

請移雅以舒其患两益於民從之遂蘇户部判官為發 言其害十餘條議遂格出為變路轉運使歲機盗栗者 言灣舟淮汴間惟水遞鋪為便的中前皆往訂可否還 運使自淮陰徑泗上浮長淮風波覆舟歲罹其患仲甫 少官雅之多價常踊登濱江米狼戾而農無所售仲前 得報死矣請决而後奏徙使淮南真楊諸州地俠出米 當論死仲甫請罪減一等的項奏裁復言幾贏拘囚比 刻石領美通判趙州知台州為度支判官內侍楊永德

金罗巴尼人

卷三百三十一

亳許揚三州斜察在京刑獄知通進銀臺司復為揚州 皆就即伸甫設館處之陽示禮厚實閉之也熙寧初守 環數百里為内地詔賜名井谷堡故時羗人入城貿易 則路絕仲甫得軍栗城故趾自鷄川岩築堡北抵南谷 提舉崇禧觀卒 州泰州古渭介青唐之南夏人在其北中通一徑小警 王居卿字壽明登州逢萊人以追士至知齊州提舉夔

建議鑿洪澤渠六十里漕者便之拜天章閣侍制知瀛

欠こり声人語

宋史

其智從河北路河決曹村居卿立軟横二婦以過怒流 路京東刑獄鹽鐵判官建言商賈轉百貨市塞上者聽 使提舉市易推天章閣待制河北都轉運使知泰州太 病居卿即城立飛梁上設樓櫓下建門以時閉啓人誦 之出知揚州改京東轉運使青州河貫城中苦泛溢為 原府卒年六十二居卿俗吏特以言利至從官 而不與水争朝廷賞其功建以為都水法召拜户部副 以家貨抵於官為給長券至賣所併輸征稅直公私便

卷三百三十一

大臣日 見こう 米史 討二族火其居餘衆保黑崖鎮黔丘從間道夜課而進 官張詵請誅之選構為使倍道之官至則遣洛州豪杜 官夔州部夷梁承秀李光吉王克尊生僚入冠轉運判 凶歲得盜令各指黨伍悉寘諸法境內為清遷度支判 年墨數擾邊用間殺之蜀帥呂公弼上其事擢知真州 安慕千人往襲自督官軍及黔中兵擊其後斬承秀入 田栗六百石構止受百石餘以界學官人之知黎州夷 孫構字紀先博平人中進士第為廣濟軍判官歲入主

神宗憫之賜帛三百北江酋彭師晏常持向背構知向 光吉墜崖死克自缚降以其地建南平軍錄功加直的 提舉崇福宫換太中大夫卒年六十四構喜功名勇於 議大夫知桂州聲言將掎角擣其巢穴冠聞引去以疾 水酋彭儒武與有除檄使攻之師晏降得其下溪州地 文館徙湖北轉運使章惇與南北江蠻事構諭降懿洽 丘溪皆平進集賢殿修撰賜三品服交阯入寇拜右諫 州納歸附州十四初渡辰溪舟毀而渦得援者僅免

した とこを

奏獨鄉與蔡挺有所論請使人了然尋當以帥事相屬 功多從羌地雅射因起邊患跌至申令母得犯得一 前役铁科別人户籍其當役者以差人錢為雇人克皆 張詵字樞言建州浦城人第進士通判越州民患苦衙 建立西南邊事自此始云 火上四重人三方 ~ 集野院改陝西轉運副使名對帝曰朕未識卿每閱章 及入辭賜服金紫明年直龍圖閣知秦州前此將吏貪 以為便知襄邑縣推夔路轉運判官錄辟土之功加直 宋史

章逼岷州铁往討董憩迎戰破之於錯鑿城斬首萬級 夫户至累首民多流亡詵中塗訴其狀乞敕劍外招攝 カンドへ下上 ショナ 日被勢雖的而我師未銳邊備未飭願以歲月圖功累 元豐初加龍圖閣直學士知成都府徒杭州将行復命 官正議大夫卒年七十二詵性孝友廉於財平生不殖 經暑熙河事趣使倍道行時倉卒治我有司計產調 諸境上厚羌感悦遷天章閣侍制知熙州董龜遣鬼 不報會靈武師能乃赴杭道過京師帝訪以西事對 老三百三十

田業既建拓瀘夷地被進用後雖有善言可紀終不追

蘇宋字公佐磁州滏陽人擢第調兗州觀察推官受知 其極歸稍法當死家日子取母稍久豈與發冢取財等 於守杜何為大理詳斷官民有母改嫁而死既葬轍盗 清議云 而生之遷審刑院詳議御史臺推直官知單州提點

蜀貨滑風上下物價肆為姦漁來議置折博務平貨直 梓州益州路刑獄利路轉運使文州歲市羌馬羌轉買

欠一百車します!

宋史

路獎馬 徹樂進度支副使以集賢殿修撰知鳳朔選糾察在京 宗晏駕契丹置宴仍用樂宋謂送者曰兩朝兄弟國家 君臣之義吾與君等一也此而可您孰不可您遂為之 運使握侍御史知雜事判刑部使契丹還及半道開英 以易馬宿弊頓絕入判大理寺為湖北淮南成都路 八秋又出知潭州廣州界轉給事中知河南府無留訟 知審刑院卒家長於刑名故屢為法官數以歡議受

卒 欠にりるべるす 整嚴雖盛夏不袒疏晚學佛預言其終時年七十六而 其弟由進士界官太常少卿知宿州宿在淮汴間素難 甚大水發廩振流亡全活數十萬代還知壽州以老辭 治從先取囊博者重坐者厚賞以求盗禁屠牛鑄錢嚴 既至治如曩時由太子實客轉工部侍郎致仕從先性 英宗諭遣之曰聞卿治行籍甚壽尤重於宿姑為朕往 馬從先字子野祥符人少盡力於學父當任子推以與 宋史 <u>+</u>

沈遇字文通錢塘人以陰為郊社齊即舉進士廷唱第 論日長鄉性務康潔以能臣稱中師用法刻深以治辨 寧府歸奏本治論仁宗曰近獻文者率以詩賦豈若此 不能追清議至於流決河議緩遠民折鄰使歷有可稱 除害構始開西南邊鉄遂拓瀘夷被進用雖有他善而 稱雖均為材吏而優劣自見極及仲甫俱能為國與利 一大臣謂已官者不得先多士乃以遺為第二通判 者其最優數

金 吳 正左 生言

卷三百三十

スこのら Aids 捕西湖魚鼈故人居湖上蟹夜入其離問適有客會宿 樂何盡為之耳目刺問巷長短織悉必知事來立斷禁 數百人倡優養良家子者奪歸其父母善遇僚案皆耳 十篇之書為可用也除集賢校理頃之修起居注遂知 相與食之旦站府遇迎語曰昨夜食蟹美乎客笑而謝 制語以父扶坐事免求知越州徙杭州為人疎雋博達 之小民有犯法情稍不善者不問法輕重報刺為兵姦 明於吏治合行禁止民或貧不能葬給以公錢嫁孤女

遼字馭達幼挺拔不羣長而好學尚友傲睨一世讀左 竟而卒年四十世咨惜之弟遼從弟括 其去麥黃金百兩仍命扶喪歸蘇州既葬廬墓下服未 大夫交稱其能拜翰林學士判流內銓丁母憂英宗閱 事建午而畢出與親舊還往從容熊笑沛然有餘暇士 E 復為民嘉祐遺站至為次於外不飲酒食肉者三十七 猾 名知開封府**遷龍圖閣直學士治如在杭州**蚕作視 屏息提點刑獄鞠真鄉將按其狀遇為稍弛而刺

金罗巴

左人工官

卷三百三十

軍資庫轉運使使攝華亭縣他使者適有夙憾思中以 是當國更張法合逐與之議論沒哪意日益見疎於是 操高爽縹縹然有物外意絕不喜進取用兄任監壽州 坐與其長不相能罷去人之以太常寺奉禮郎監杭州 安石安石曾與詩有風流謝安石瀟灑陶淵明之稱至 氏班固書小華成之報近似題組植縱舍自成一家趣 以為主簿時方重此官出則奉使持節遼故受知於王 酒稅吳克使三司薦監内藏庫熙寧初分審官建西院

次定四年全書 人

宋史

+ (2) 然竟不復起元豐末卒年五十四 峭麗尤長於歌詩曾筆蘇軾黃庭堅皆與唱酬相往來 少習杜門隱几雖筆硯亦埃塵竟日問作為文章雄奇 文法因縣民忽爭相牵告辭語連及遂文致其罪下獄 林泉喜日使我自擇不過爾耳即築室於齊山之上名 雲巢好事者多往沿遊追悔平生不自貴重悉謝奈 湖 服奪官流永州遭父憂不得釋更放始徒池州留連 問界年益偃蹇傲世既至池得九華秋浦問翫其

卷三百三十

臨 數里為園囿植采木刻鳥獸綿絡其間将事之夕法 制 宜乘與一器而百工侍役者六七十輩括考禮沿革為 書浸曰沂沭者故跡漫為汙澤括新其二坊疏水為百 文書籍為館閣校勘測定三司條例故事三歲郊丘之 括字存中以父任為米陽主簿縣依沐水乃職方氏所 觀御端門陳仗衛以閱嚴警追幸登賞類非齊祠 有司按籍而行藏其副吏沿以干利壇下張慢距 九堰以播節原委得上田七十項推進士第編校的 駕

CALLO HOL AILING

宋史

五五

士人分方技科為五後皆施用加史館檢討淮南饒遣 表五壺浮漏招衛朴造新歷募天下上太史占書雜 書日南郊式即站分點檢事務執新式從事所省萬 金安巴尼人三世 校理察訪兩浙農田水利遷太常丞同修起居注時大 括察訪發常平錢栗疏溝瀆治發田以救水患遇集賢 官皆市井庸販法象圖器大抵漫不知括始置渾儀景 籍民車人未諭縣官意相挺為憂又市易司患蜀鹽之 神宗稱善遷太子中允檢正中書刑房提舉司天監日 卷三百三十 用

日人言無及此者朕當思之遂問蜀鹽事對日一切實 三十里故世謂之太平車但可施於無事之日爾帝喜 クニリュノニ 車也五御折旋利於捷速今之民間輜車重大日不能 當之括曰車戰之利見於歷世然古人所謂兵車者輕 皆不省括侍帝侧帝顧曰哪知籍車乎曰知之帝曰 何 私井而運鮮鹽使一出於官告談善然患萬戎瀘問夷 如對日敢問欲何用帝曰北邊以馬取勝非車不足以 不禁欲盡實私井而輦解池鹽給之言者論二事如織 宋文

使其知鑿山之利則中國之幣益輕何頼歲餉鄰釁將 **囊囊姦偽何以檢頭朝廷歲遺契丹銀數千萬以其非** 界小井尤多不可猝絕也勢須列候加警臣恐得不足 北方所有故重而利之昔日銀城縣銀坊城皆沒於彼 運司置官收其利括言近實則國貧其勢必然人衆則 自中允至是纔三月為河北西路察訪使先是銀冶轉 偿費帝頷之明日二事俱寝擢知制語兼通進銀臺司 自兹始矣時賦近畿户出馬備邊民以為病括言北地

金文巴人生言

卷三百三十一

らいこり き アコン 帝以休日開天章閣名對喜日大臣殊不究本未幾誤 議疆地書指古長城為境今所爭蓋三十里遠表論之 國事命以畫圖示禧禧議始屈賜括白金千兩使行至 請而後反帝遣括往聘括諸樞密院閱故贖得頃歲所 多馬而人習騎戰猶中國之工强智也今舍我之長技 必能貫革謂宜以射遠入堅為法如是者三十一事記 強所不能何以取勝又邊人習兵唯以挽殭定最而未 皆可之遼蕭禧來理河東黃嵬地留館不肯辭曰必得 宋史

金厂里 使吏士誦之益戒有所問則顧吏舉以答他日復 契丹庭契丹相楊益戒來就議括得地訟之籍數十 純雁人情之向背為使契丹圖抄上之拜翰林學士權 民 如之益戒無以應誤日數里之地不忍而輕絕好乎 而 日 司使曾白事丞相府吳充問曰自免役令下民之抵 以大池請括乃還在道圖其山川 非 師 直為壯曲為老今北朝棄先君之大信以威用其 我朝之不利也凡六會契丹知不可奪遂舍黃鬼 た人門を 卷三百三十 殷易廷直風俗之 問 括 亦 預

大いり うんはち 勞之邊人雅激執弓傳矢唯恐不得追越歲得徹礼起 大夫與邑居之人習於復除者爾無足恤也獨微户本 些者今未衰也是果於民何如括曰以為不便者特士 命廛市良家子馳射角勝有軼羣之能者自起酌酒以 官院又出知青州未行改延州至鎮悉以别賜錢為酒 農法以集賢院學士知宣州明年復龍圖閣待制知審 無力役而亦使出錢則為可念若悉弛之使一無所 則善矣克然其説表行之祭確論括首鼠乖刺陰害司 宋史 預

皇城使以降許承制補授諤師次五原值大雪糧 錢數萬以驛聞詔報之曰此右府須行之失非卿察事 者鎮兵也今不均若是且召亂乃藏軟書而為制 賞齊至再而不及鎮兵括以為衛兵雖重而無歲不戰 乘者千餘皆補中軍義從威聲雄他府以副總管种 西討援銀宥功加龍圖閣學士朝廷出宿衛之師來戊 必擾軍政自是事不暇請者皆得專之番漢將士自 殿直劉歸仁率衆南於士卒二萬人皆清入塞居民 卷三百三十 賜 餉 綿 不

府並塞以濟軍用已而禧敗沒括以夏人襲緩徳先往 事中徐禧來禧欲先城永樂記禧護諸將往築合括移 怖 拔夏人磨崖葭蘆浮圖城括議築石堡以臨西夏而給 帝使内侍劉惟簡來詰叛者具以對大將景思誼曲珍 暮至者八百未旬日潰卒盡還括出按兵歸仁至括 汝歸取糧何以不持軍符歸仁不能對斬以徇經數日 管遣汝歸取糧主者為何人曰在後即諭令各歸屯及 縣括出東郊錢可東歸師得奔者數千問日副都總

李大臨字才元成都華陽人登進士第為絳州推官社 舊出處傳於世 金定四库全書 為秘閣校理考試舉人誤权失聲韻者責監除州稅未 論者又紀平日與實客言者為筆談多載朝廷故實者 文於天文方志律府音樂醫藥一算無所不通皆有所 繼以光禄少卿分司居潤八年卒年六十五括博學善 教之不能援永樂坐誦均州團練副使元祐初從秀州 行安撫河東薦為國子監直講睦親宅講書文彦博薦 卷三百三十一

CANONICALAMO / 臺官公以員外即博士近制但不限此非謂選人亦許 臺官不拘官職奏舉後未審更制也領大臨合言故事 **幾還故職仁宗曾遣使賜館閣官御書至大臨家大臨** 桕 苗法有害無益王安石怒會李定除御史宋敏求蘇頌 雅 請知廣安軍從印州還為厚牧判官開封府推官神宗 貧無皂排方自秣馬使者選奏帝曰真廉士也以親老 繼封還詞命次至大臨大臨亦還之帝批去歲詔書 知其名握修起居注進知制語斜察在京刑獄言青 宋史

定後名益重世并宋敏求蘇領稱為熙寧三舍人云 十致仕七年而卒大臨清整有守論議識大體因爭李 扣 金月世五七十五 故争不已乃以累格詔命皆歸班大臨以工部郎中 釋耕者徙知梓州加集賢殿修撰復天章閣侍制甫七 開名器有限安得人人滿其意哉復語諭數四領大臨 之也定以初等職官超朝籍職憲臺國朝未有倖門 耕者獲之人疑為盗械送於府大臨識其異訊得實 汝州辰溪貢丹砂道葉縣其二篋化為雙雄關山谷 卷三百三十 出

二 マハゥンロziot_Aidulo 史館檢討同修起居注知制語帝當訪以政對日兩 時務五事且言天下之勢不能常安當於未然之前叔 書成直私閣同知禮院仁宗選任大臣求治道夏卿陳 十三夏那學長於史貫穿唐事博来傳記雜說數百家 前好出知類州得奇疾身體日編卒時機如小兒年五 呂夏卿字稱叔泉州晉江人舉進士為江寧尉編修唐 其與事至而圖之恐無及已朝廷頗采其策英宗世歷 不惜金帛以和二邊脱民鋒鍋之禍古未有也願勿失 宋史 朝

後為文宣公無擇言前代所封曰宗聖曰奉聖曰崇 點准南廣東刑獄廣南轉運使入直集賢院時封孔子 袓 日恭聖日褒聖唐開元中尊孔子為文宣王遂以 折喪整比又通譜學創為世系諸表於新唐書最有功 而 自慶歷的天下立學十年間其般徒文具無命教之 加後嗣非禮也於是下近臣議改為行聖公出知袁 無擇字擇之上祭人進士高第歷知南康軍海州 祖諡

金牙巴尼人

卷三百三十

費安石開而惡之熙寧初安石得政乃諷監司求無擇 士知鄭杭二州神宗立知通進銀臺司初詞臣作語 人つこり 1日 人によう 連無擇子韶小人也請遣內侍自京師建赴秀州獄蘇 饋不獲義不欲取置諸院梁上安石憂去無擇用為公 許受潤筆物王安石與無擇同知制語安石解一家所 修起居注知制品加能圖閣直學士權知開封府進學 寶無擇首建學官置生徒郡國弦誦之風由此始盛 同 知 明州苗振以貪聞御史王子韶使兩浙康其狀事 宋史 Ī 命

金贝巴尼人三章 求其遺文彙次之傳於世以言語政事為時名哪用 師友少從孫明復學經術又從移修為文章兩人死力 主管西京御史臺移知信陽軍卒無擇為人好義篤於 未有為之而無効者尋復光祿卿秘書監集賢院學士 陛下遣一御史出即得無擇罪乃知朝廷於事但不為 來船過制而已遂謫忠正軍節度副使安石猶為帝言 之皆不聽及獄成無貪狀但得其貸官錢接部民坐及 須言無擇列侍從不當與故吏對曲直御史張戬亦叔 卷三百三十

是 CALL DIE CIA 大臨官居繳駁克舉其職祖無擇治即所至能修校官 累鍛鍊放棄記不復振士論惜之 廢棄終身即是亦足以知二人之賢矣 課之學宋之縉紳士各精其能學不苟且故能然也李 論 皆班班可紀者然大臨以論李定継無擇以件安石 幽深措诸政事又極開敏呂夏卿號稱史才尤精 日次遺以文學致身而長於治才沈括博物洽聞貫 師孟字公闢吳人進士甲科累知南康軍楚州提 宋史 Ī 譜

金少口 夔路刑獄瀘戎數犯渝州邊使者治所在萬州相去遠 有警率決日乃至師孟奏徒於渝夔部無常平栗建請 置倉適凶歲振民不足即為發也儲不俟報吏懼白不 多土山旁接川谷春夏大雨水濁如黄河俗謂之天河 可熟灌師孟出錢開渠築堰淤良田萬八千頃衰其事 為水利圖經領之州縣為度支判官知洪州積石為江 **隄沒章溝揭扎牐以節水升降後無水患判三司都磨** 師孟曰必俟報餓者盡死矣竟發之徙河東路晉地 卷三百三十

植 火年四直/こか 惡不可築師孟在廣六年作西城及交趾陷邑管間廣 為 欲 朝當守誓約涿郡有案贖可覆視君舍文書滕口説 為儂冠所毀他日有警民駭竄方伯相踵至皆言土疏 文館知福州築子城建學舍治行最東南徙廣州州城 勘司接件契丹使蕭惟輔曰白溝之地當两屬今南朝 生事即惟輔愧謝出為江西轉運使盗發袁州 耳目久不獲師孟械吏數華送獄盗即成擒加直的 柳數里而以北人漁界河為罪豈理也哉師孟曰两 茅四 州 遽

٦ ٢ 找 鎮為政簡 疾 席 價者易之於是更與迎者東西向明日涿人錢於 青州遂致仕以光禄大夫卒年七十八師孟累領 **馳過不順涿人移雄** 也不就列自日是爭至暮從者失色師孟辭氣益属 集賢殿修撰判都水監賀契丹生辰至涿州契丹命 迎者正南向涿 ·備固不敢東時師孟巳名選朝廷念前功以為給事 Ľ 人 而嚴罪非死者不以屬吏發隱趙伏如神 州官西向宋使介東向 州 卷三百三十 以為言坐罷歸班復起 師孟日是 扣 单 郊 越

豪惡不逞跌宕者必痛憋艾之至勒絕乃已所部肅然 いたりりきいたち 在魏歲久員入於民有司按舊籍括之地數易主券不 張問字昌言襄陽人也進士起家通判大名府厚牧地 洪福廣越為立生祠 河 日是豈朝廷意即其上以聞仁宗諭大臣曰吏用心悉 明吏茍趣辦持詔書奪人田至毀室廬發丘墓問至則 問何患赤子之不安也立罷之捏提點河北刑獄大 決議築小吳問言曹村小吳南北相直而曹村當水 子

也神宗從之問十年不奏考課的特遷其官入為度支 **提抵乾寧問言限未能為益災傷之餘力役勞民非** 使所部地震河再決議者欲調京東民三十萬自澶築 副使拜集贤殿修撰河東轉運使生誤軍須貶知光化 問起隄以備之耳詔付水官議久不决小吳卒潰徙江 彊 衝 而右傷南岸且決水並京畿為害獨可於孫陳兩埽 淮南轉運使加直集賢院户部判官復為河北轉運 賴小吳隱薄水溢扎出故南隄無患若築小吳則左

多足口戶二百

卷三百

C.19. M. J.L. 汝 問可任六曹侍郎帝以其好異論不用歷知河陽路州 行問獨不阿時好歲機為帝言民尚免常平助役之告 百千人問上疏申理止誅首惡熙寧末知滄州自新法 軍未幾復使河北諸島公權之亂郡縣林蔓連速至數 問處已廉潔害任鄉延幕府與种世衛善父丧世衛遇 元祐初為私書監給事中累官正議大夫卒年七十五 反以得流亡為幸語切直驚人元豐定官制王安禮薦 州田十項辭弗受使歸未至而世衡卒其子古用父 宋史 主

第 要期 舜俞字令舉湖州烏程人博學強記舉進士又舉制 黜 館職舜俞解日爵禄名器砥礪多士宜示以至神鳥可 治命亦不納田無穢者三十年後汝守請以給學朝廷 上疏自劾日民間出舉財物取息重止一倍約價編錢 反諸种氏熙寧時有陳舜俞樂京劉蒙亦以役法廢 熙寧三年以屯田員外郎知山陰縣路俟代還試 如付劑契繳中書帖上之青苗法行舜俞不奉令

金完正歷生書

卷三百三十

戒其鄉黨子弟未曾不以貫貸為苦祖宗著令以才物 價他物不可得故愚民多至賣田宅質妻孥有識者老 募民貸取有司約中熟為價而必價緡錢欲如私家雜 たころうとふる 一次史 依則之絕者已不蒙其惠此法終行愈為兼并地爾 何 相出舉任從書契官不為理其保全元元之意深遠如 而穀栗布樓魚鹽新載擾鉏釜綺之屬得雜取之朝廷 民之絕而抑兼并然使十户為甲浮浪無根者毋得給 此今誘之以便利督之以威刑方之舊法異矣的謂振

貴賤之柄使積貯者不得深藏以邀利爾今散為青苗 金写四月二 唯恐不盡萬一機健存至必有乘時貴難者未知將 法 夏秋二科而秋放之月與夏飲之期等夏放之月與秋 之時田宅妻孥隨欲而得是豈不為兼并利哉雖分為 世世每歲兩輸息錢無有窮已是別為一賦以散海內 飲之期等不過展轉計息以給為納使吾民終身以 以言之天下之有常平非能人人計口受餉但權殼 以制之官制既放錢取息富室藏鏹坐待都里逋欠 卷三百三十一 價 何

火江四車 こう 嫁之嘉祐初品訪遺逸以薦開得校書郎為湖陽赤水 京州南人為布衣時鄉里稱其行義事母至孝妻張氏 家絕挾女弟自隨京未曾見其面妻死京寢食於外為 慨然将以身任天下之事而人之所以周旋委曲輔成 非王道之舉也奏上責監南康軍鹽酒稅五年而卒舜 其天者不至一斥不復士大夫識與不識皆深悲之云 出遂貶死蘇軾為文哭之稱其學術才能兼百人之器 俞始曾乘官歸居秀之白牛村自號白牛居士已而復 Ī

赴 又 蒙字子明渤海人取為詞賦不肯舉進士習茂才異等 且 縣常平使者召會諸縣令議免役法蒙為不便不肯與 經十年乃復官監黃州酒稅以承議即致仕元祐初召 到力 二縣合神宗求言京上疏以畏天保民為請知長葛 不欲自告都轉運使劉库舉遺逸名試第一知湖 ÿ 不肯治縣事自列乃去提舉官劾之記奪著作佐郎 關不至終於家 役法行京白提舉常平官言不便使之條析又不報 人とこす 卷三 F 陽 縣、

甚峻時中日寧歸田里法不可奪守悟而聽之熙寧中 以司農丞使梓州路密薦能吏十人後皆進用人卒莫 苗時中字子居其先自壺關徙宿州以陰主寧陵簿邑 調 有古河久隍請開導以溉田為利甚博人謂之苗公河 號日正思先生元站初賜其家帛五十匹 學從游甚衆元豐二年卒幾年四十門人朋友誄其行 議退而條上其害即投劾去亦奪官歸鄉教授養親講 路州司法祭軍即守欲入一囚於死執不可守怒責

「CLOD int Links

宋史

ī

聽卒坐誅林廣代存實乞弟既降復逸去將士相視失 色及暮了斗不鳴時中問廣廣曰既失賊故縱兵追之 避不行時中日師老矣將士暴露非計之善者存實不 來戰敗始納敖徙梓州轉運副使韓存實討蠻乞弟逗 備其萬一之勝勢窮然後降耳密備之既而果從上流 不暇恤爾時中曰天子以十萬衆相付豈以一死為勇 江久不進時中日師無進討意賊必從間道來乘我不 之知交人犯邊權廣西轉運副使師討交人罪次富良

金一只 电压 台里百

卷三百三十

免費奏除之改知諫院進天章閣侍制宰相梁適以私 持節安撫湘中自馬氏擅國計丁輸米身死產竭不得 微累點監江州稅道除知睦州復為侍御史荆湖災出 韓贄字獻臣齊州長山人登進士第至殿中侍御史坐 實文閣待制至户部侍郎卒 即今入異境變且不測廣悟亟止追者整軍以進會得 两階為發運副使河東轉運使加直龍圖閣知桂州進 班師軍行時中以糧道遠創為讚運法食以不之遷

次定四車全書

、宋史

在京刑獄知徐州以吏部侍即致仕贄性行叔均平 運使 府建永厚陵費省而不擾神宗稱之還知審刑院斜察 人錢月而畢入判都水監權開封府政簡而治知河南 支為兩河或可給水患點遣使相視如其策才役三十 安定縣更之未必能成功不若問魏金限使分注故道 容姦狄青起卒伍位樞密內侍王守忠遷官不次皆舉 劾 無所部出知倉藏二州遷龍圖閣直學士河北都 河決商胡而北議者欲復之役將興勢言北流 既

卷三百三十

夏人來正土疆往後其事衆暴至两騎傅矢引滿向之 楚建中字正叔洛陽人第進士知柴河縣民苦鹽稅不 建中坡腹使射口吾不憚死騎即去衆服其量元昊歸 平建中約田多寡以為輕重主管鄜延經畧機宜文字 退休十五年謝絶人事讀書賦詩以自娱年八十五卒 自奉至約推所得祿賜買田瞻族黨賴以活者殆百數 開有備不敢入累遷提點京東刑獄鹽鐵判官的陵建 款建中白府請築安定黑水八堡以控東道夏人果來

次定四車/三三

、宋史

主

轉運使知慶州江寧成德軍以正議大夫致仕元祐初 益陽縣縣接梅山溪峒多蠻獠出沒頓按禁地約東白 文彦博薦為户部侍郎不拜卒年八十一 推官歲旱饑朝廷遣使安撫調條獻十事活數萬人知 張頡字仲舉其先金陵人徒冉州桃源第進士調江陵 用之言不合首出知滄州久之為天章閣待制陝西都 度支副使神宗用事西鄙以建中當為邊臣所薦召欲 命裁定調度省數十萬計歷夔路淮南京西轉運使進 大い日申しる 發運副使改知荆南復徙廣西轉運使時建廣源為順 議今日成功權與於頡詔賜絹三百匹尋推江淮制 疾其說欲分功啖之乃言曰頡昔令益陽首建梅山之 戮過甚無辜者十八九浮屍敵江民不食魚者數月惇 **獄廣東轉運使熙寧中章惇取南江地建沅懿等州克** 将城之頡謂無益朝廷從其議坐掉罵祭軍沈凍罷 人耕墾上其事不報累遷開封府判官提點江西刑 山與楊光偕為敵頡居憂於則移書朝貴言南江殺 宋史 置

使馬點劾其經理宜州蠻事失宜罷職知均州哲宗立 蜜蛋無他 親得是足矣尋罷兵海外能無事 外之轉 今請出兵自劾宜有以撫納之命頡處其事頡使一介 謂海南黎人陳被盖五洞酋領異時盛強且為中國患 往呼之出補以牙校喜而去的問何賞之薄對日荒徼 歸未幾以直集賢院知齊滄二州進直龍圖閣知桂 金りて **覲帝首言妈鄉者論順州不可守信然時有獻言者**)故職知鳳翔廣州名為户部侍郎詢所歷以嚴致理 卷三百三十 州

クニョ・ニニ 六慶歷中知龔州蠻入冠桂管縣動革經畫軍須先事 為詩嗟典之秋貢士密戒主司勿遺革華聞語人日以 使徒知瀛州湖北溪搖畔朝廷託頡素望復徙知荆南 私得薦吾恥之去弗就後二年遂首選至登第年才十 盧革字仲辛湖州德清人少舉童子知杭州馬亮見所 至都門暴卒 而才可用不報瑜年以實文閣待制出為河北都轉運 而深文狡獪右司諫蘇賴論其九罪執政以頡雖無德 宋史 Ŧ

多プローノ生き · 唐郡遂為宣州以光禄卿致仕用子秉思轉通議大夫 者又言領外小即合四五不當中州一大縣無城池甲 乞解官終養帝數賜詔慰勉時以為榮卒年八十二 退居於吳十五年東為發運使得請歲一歸覲後帥渭 湖南轉運使復請外神宗謂宰相曰革康退如是宜與 兵之備将為賊困宜度遠近并省之後儂智高來九即 而集移書安撫使杜祀請治諸郡城及易長吏之不才 繼不守皆如革應知婺泉二州提點廣東刑獄福建 卷三百三十一

詚 適恨林木未就爾秉日亭洛如爵位時來或有之林木 東字仲甫未冠有為學當調務堂坐池亭堂曰亭治粗 シこするとは 安石得其壁間詩識其静退方置條例司預選中奉使 口吾子必為住器中進士甲科調吉州推官青州掌書 非培植根株弗成大似士大夫立名節也堂賞味其言 不得私寫還奏遂為定制檢正吏房公事提點兩浙 浙治鹽法與薛向完索利病出本錢業鬻海之民戒 開封府倉曹祭軍浮湛州縣二十年人無知者王

歲中犯者以千萬數進制置發運副使東南饑詔 東門微顯提舉鹽事持法計嚴追胥連保罪及妻努一 率正數也請自是罷獻獨以七十萬紹償三司通加集 東言職在董督六路財賦以時上之安得美今稱美者 獨 食有諸對日有之民機甚殍死相枕籍帝 而 供米價以難東言價雖賤貧者終點得錢請但價 以其餘振瞻是歲上計神宗問曰聞 趙抃為朕言之耳先是發運使多獻餘美以希恩龍 滁 側然口前 和民捕蝗 損 雜 本 充 H

金只口尼名書

卷三百三十一

賢殿修撰知渭州五路大出西討唯涇原有功進實文 吾敢以疑似成欺乎他日物色之鬼丁果死的褒明服 果至見宋師警曰天降也縱擊之皆奔潰或言鬼丁已 將駐静邊告指夏人來路口吾建明坐待提報矣及明 仁多鬼下舉國入冠犯熙河定西城東治兵瓦亭分兩 將姚麟彭孫襲擊之俘斬萬計遷龍圖閣直學士夏首 スコンヨーニーハルカ 死有識其衣服者諸將請以聞東曰幕府上功患不實 閣待制夏境胡盧川距塞二百里恃險遠不設備秉遣 宋史 Ŧ

金りで居る聖言 法家拂士引古今通誼盡力争之而不能止往往多自 行鹽法虐民降待制提舉洞霄宫卒 其議已而革疾亟乃得歸元祐中知荆南劉安世論其 論口宋室之人才亦盛矣青苗法始行滿朝耆壽故臣 馬金幣且使上所獲器甲東守邊久表父革年老乞歸 守遠即尚能怨怨為民有言舜俞京衆俱以區區一縣 引去及數年之後憲命既成天下亦莫如之何已而問 知湖州行三驛復詺還渭慰籍優渥革聞亦以義止 卷三百三十

其天性然革始終康退東不免於阿狗時好行鹽法以 量 虐民父子之目相遠哉 尺つこう へんな 家之變暫居諫省舉劾無所避允有直臣之風建中雅 令力抗部使者視棄其官如散 展類非畏威懷禄者能 坐席禮毅然不少屈時中止林廣縱兵追蠻深達兵 師孟活饑贏與水利趟姦誅惡所歷可稱建使契丹 部敞解嚴氣正尤為 奇偉頡雖有才而深文校會豈 宋史 美

宋史卷三百三十一					金りをりとうす
三十一					卷三百三十一
		-	-		+-